

CAPUT III.

super vos ira furoris Domini, antequam
veniat super vos dies indignationis Domini.

3. Quærite Dominum omnes mansueti
terræ, qui iudicium eius estis operati:
quærite iustum, quærite mansuetum: si
quomodo abscondamini in die furoris Do-
mini.

4. Quia Gaza destructa erit, & Aſcalon
in desertum, Azotum in meridie ejicient,
& Accaron eradicabitur.

5. Væ qui habitatis funiculum maris,
gens perditorum: verbum Domini super
vos Chanaan terra Philistinorum, & dif-
perdam te, ita ut non sit inhabitator.

6. Et erit funiculus maris requies pasto-
rum, & caulæ pecorum:

7. & erit funiculus eius, qui remanserit
de domo Iuda: ibi pascuntur, in domi-
bus Aſcalonis ad vesperam requiescent:
quia visitabit eos Dominus Deus eorum,
& avertet captivitatem eorum.

8. Audivi opprobrium Moab, & blas-
phemias filiorum Ammon: quæ exprobra-
verunt populo meo, & magnificati sunt
super terminos eorum.

9. Propterea vivo ego, dicit Dominus
exercituum Deus Israël, quia Moab ut
Sódoma erit, & filii Ammon quasi Go-
morrha, siccitas spinarum, & acervi salis,
& desertum usque in æternum: reliquæ
populi mei diripient eos, & residui gentis
meæ possidebunt illos.

10. Hoc eis eveniet pro superbia sua:
quia blasphemaverunt, & magnificati sunt
super populum Domini exercituum.

11. Horribilis Dominus super eos, &
attenuabit omnes deos terræ: & adora-
bunt eum viri de loco suo, omnes insulæ
Gentium.

12. Sed & vos Æthiopes interfecti gla-
dio meo eritis.

13. Et extendet manum suam super
Aquilonem, & perdet Assur: & ponet spe-
ciosam in solitudinem, & in inivium, &
quasi desertum.

* Isai. 34.
11.

14. * Et accubabunt in medio eius gre-
ges, omnes bestiarum Gentium: & onocro-
talis, & ericius in liminibus eius mora-
buntur: vox cantantis in fenestra, cor-
vus in superliminari, quoniam attenuabo
robur eius.

15. Hæc est civitas gloriosa habitans in
confidentia: quæ dicebat in corde suo:
Ego sum, & extra me non est alia amplius:
quomodo facta est in desertum cubile
bestiarum? omnis, qui transit per eam, sibi-
labit, & movebit manum suam.

*Arguit Ierusalem, & precipue rectores eius,
quibus minatur celorem Dei vindictam,
quod neque beneficiis neque flagellis sint
ad ipsum conversi: de felicitate novæ
legis, ac multiplicatione credentium: præ-
terquam iniquorum prædicitur.*

1. **V**æ provocatrix, & redempta ci-
vitas, columba.

2. Non audivit vocem, & non suscepit
disciplinam: in Domino non est confisa,
ad Deum suum non appropinquavit.

3. * Principes eius in medio eius quasi * *Exech.*
leones rugientes: iudices eius lupi ves- *22. 27.*
pere, non relinquebant in manè. *Mich. 3.*
11.

4. Prophetæ eius vesani, viri infideles:
sacerdotes eius polluerunt sanctum, in-
iuste egerunt contra legem.

5. Dominus iustus in medio eius non
faciet iniquitatem: manè manè iudicium
suum dabit in lucem, & non abscondetur:
nescivit autem iniquus confusionem.

6. Disperidi Gentes, & dissipati sunt
anguli earum: desertas feci vias eorum,
dum non est qui transiret: desolatae sunt
civitates eorum, non remanente viro,
neque ullo habitatore.

7. Dixi: Attamen timebis me, suscipi-
es disciplinam: & non peribit habitacu-
lum eius propter omnia, in quibus visi-
tavi eam: verumtamen diluculo surgen-
tes corruperunt omnes cogitationes suas.

8. Quapropter expécta me, dicit Do-
minus, in die resurrectionis meæ in futu-
rum, quia iudicium meum ut congregem
Gentes, & colligam regna: & effundam
super eos indignationem meam, omnem
iram furoris mei: * in igne enim zeli mei
devorabitur omnis terra. ** Supr. 1.*
18.

9. Quia tunc reddam populis labium
electum, ut invocent omnes in nomine
Domini, & serviant ei humero uno.

10. Ultra flumina Æthiopiæ, indè sup-
plices mei, filii disperforum meorum de-
ferent munus mihi.

11. In die illa non confundèris super
cunctis adinventionibus tuis, quibus præ-
varicata es in me: quia tunc auferam de
medio tui magniloquos superbiæ tuæ, &
non adjicies exaltari amplius in monte san-
cto meo.

12. Et derelinquam in medio tui popu-
lum pauperem, & egenum: & spera-
bunt in nomine Domini.

13. Reliquiæ Israël non facient iniqui-
tatem, nec loquentur mendacium, & non
in-

invenietur in ore eorum lingua dolosa:
quoniam ipsi pascuntur, & accubabunt,
& non erit qui exterreat.

14. Lauda filia Sion: iubila Israël: læta-
re, & exulta in omni corde filia Ierusalem.

15. Abstulit Dominus iudicium tuum,
avertit inimicos tuos: rex Israël Dominus
in medio tui, non timebis malum ultra.

16. In die illa dicetur Ierusalem: Noli ti-
mere: Sion, non dissolvantur manus tuæ.

17. Dominus Deus tuus in medio tui
fortis, ipse salvabit: gaudebit super te
in lætitia, filebit in dilectione sua, exul-
tabit super te in laude.

18. Nugas, qui à lege recesserant, con-
gregabo, quia ex te erant: ut non ultra
habeas super eis opprobrium.

19. Ecce ego interficiam omnes, qui
affixerunt te in tempore illo: & salvabo
claudicantem: & eam, quæ eieccta fuerat,
congregabo: & ponam eos in laudem, & in
nomen, in omni terra confusionis eorum.

20. In tempore illo, quo adducam vos:
& in tempore, quo congregabo vos: dabo
enim vos in nomen, & in laudem omni-
bus populis terræ, cum convertero capti-
vitatem vestram coram oculis vestris, dicit
Dominus.

PROPHETIA AGGÆI.

AGGÆUS, festinus exponitur, ait Hieronymus. Huius maxime hortatu instauratum
est templum. Apparet autem eum non tantum vite innocentiam, sed etiam magno
spiritu fuisse, qui adversus potentissimi Persarum Monarchæ edictum, & Samaritano-
rum, aliorumque populorum vexationes, institerit operi. Castigatis autem frivolis excu-
sationibus Iudeorum de fabrica templi diutius differenda, principi Zorobabeli fabricam re-
sumentem promittit Messiam ex eius stirpe nasciturum, ostenditque utrumque structura
hæc sit cum altera priore non comparanda, gloriâ tamen maiori posituram, presentiam,
doctrinâ, & miraculis Christi, de cuius regno prophetiam subnectit.

CAPUT PRIMUM.

Quo tempore prophetaverit Aggæus: qui in-
crepat Iudeos, quod neglectâ domo Dei
propria ædificia curarent: ob quam cau-
sam dicit illis immisam à Deo sterilita-
tem: eoque tempore dux Zorobabel & Ie-
sus sacerdos magnus unâ cum populo exci-
tati, incipiunt ædificare domum Dei.

1. Esai. 5. 1.
* Hystaspis
filij Anno
M. 3484.
deficiente.
Ant. æram
Chr. 520.

IN anno secundo Darij *
regis, in mense sexto,
in die una mensis, fa-
ctum est verbum Do-
mini in manu Aggæi
prophetæ ad Zoroba-
bel filium Salathiel, ducem Iuda, & ad
Iesum, filium Iosedec, sacerdotem mag-
num, dicens:

2. Hæc ait Dominus exercituum, di-
cens: Populus iste dicit: Nondum venit
tempus domus Domini ædificandæ.

3. Et factum est verbum Domini in ma-
nu Aggæi prophetæ, dicens:

4. Numquid tempus vobis est ut habi-
tetis in domibus laqueatis, & domus ista
deserta?

5. Et nunc hæc dicit Dominus exerci-
tuum: Ponite corda vestra super vias
vestras.

6. * Seminastis multum, & intulistis pa-
rum: comedistis, & non estis fatiati: bibi-
stis, & non estis inebriati: operuistis vos, &
non estis calefacti: & qui mercedes con-
gregavit, misit eas in sacculum pertusum. ** Dent. 28.*
38.
Mich. 6.
15.

7. Hæc dicit Dominus exercituum: Pon-
nite corda vestra super vias vestras:

8. ascendite in montem, portate ligna,
& ædificate domum: & acceptabilis mihi
erit, & glorificabor, dicit Dominus.

9. Respexistis ad amplius, & ecce fa-
ctum est minus: & intulistis in domum,
& exufflavi illud: quam ob causam, dicit
Dominus exercituum? quia domus mea
deserta est, & vos festinatis unusquisque
in domum suam.

10. Propter hoc super vos prohibiti
sunt cæli ne darent rorem, & terra pro-
hibita est ne daret germen suum:

11. & vocavi siccitatem super terram,
& super montes, & super triticum, &
super vinum, & super oleum, & quæ-
cumque profert humus, & super homi-
nes, & super iumenta, & super omnem
laborem manuum.

12. Et audivit Zorobabel filius Salathiel,
& Iesus filius Iosedec sacerdos magnus, &
omnes reliquiæ populi vocem Domini Dei
sui, & verba Aggæi prophetæ, sicut misit
Gggg eum

eum Dominus Deus eorum ad eos : & timuit populus à facie Domini.

13. Et dixit Aggæus nuncius Domini de nunciis Domini, populo dicens : Ego vobiscum sum, dicit Dominus.

14. Et suscitavit Dominus spiritum Zorobabel filij Salathiel, ducis Iuda, & spiritum Iesu filij Iosedec sacerdotis magni, & spiritum reliquorum de omni populo : & ingressi sunt, & faciebant opus in domo Domini exercituum Dei sui.

CAPUT II.

Et si templum readificatum nihil videatur priori collatum : postea tamen veniente Messia, replebitur gloria maiori, quam fuerit prioris templi : & sicut Iudæi ob neglectam templi readificationem facti fuerant immundi coram Deo, ipsorumque sacrificia & sterilitas adducta ; ita post inceptam readificationem omnia ipsis facta sunt prospera.

Hic v. 1. superiori capite connectendus esset. * Ann. M. 3485. in eunte. Ante aram Chr. 519.

1. IN die vigesima & quarta mensis, in sexto mense, in anno secundo Darij regis.

2. In septimo * mense, vigesima & prima mensis, factum est verbum Domini in manu Aggæi prophetæ, dicens :

3. Loquere ad Zorobabel filium Salathiel, ducem Iuda, & ad Iesum filium Iosedec sacerdotem magnum, & ad reliquos populi, dicens :

4. Quis in vobis est derelictus, qui vidit domum istam * in gloria sua prima ? & quid vos videris hanc nunc ? numquid non ita est, quasi non sit in oculis vestris ?

5. Et nunc confortare Zorobabel, dicit Dominus : & confortare Iesu fili Iosedec sacerdos magne, & confortare omnis populus terræ, dicit Dominus exercituum : & facite (quoniam ego vobiscum sum, dicit Dominus exercituum)

6. verbum quod pepigi vobiscum cum egrederemini de Terra Ægypti : & spiritus meus erit in medio vestrum, nolite timere.

7. Quia hæc dicit Dominus exercituum : Adhuc unum modicum est, & ego commovebo cælum, & terram, & mare, & aridam.

8. Et movebo omnes Gentes : ET VENIET DESIDERATUS cunctis Gentibus : * & implebo domum istam gloria, dicit Dominus exercituum.

9. Meum est argentum, & meum est aurum, dicit Dominus exercituum.

10. Magna erit gloria domus istius novissimæ plus quam primæ, dicit Dominus

exercituum : & in loco isto dabo pacem, dicit Dominus exercituum.

11. In vigesima & quarta noni mensis, in anno secundo Darij regis, factum est verbum Domini ad Aggæum prophetam, dicens :

12. Hæc dicit Dominus exercituum : Interroga sacerdotes legem, dicens :

13. Si tulerit homo carnem sanctificatam in ora vestimenti sui, & tetigerit de summitate eius panem, aut pulmentum, aut vinum, aut oleum, aut omnem cibum : numquid sanctificabitur ? Respondentes autem sacerdotes, dixerunt : Non.

14. Et dixit Aggæus : Si tetigerit pollutus in anima ex omnibus his, numquid contaminabitur ? Et responderunt sacerdotes, & dixerunt : Contaminabitur.

15. Et respondit Aggæus, & dixit : Sic populus iste, & sic gens ista ante faciem meam, dicit Dominus, & sic omne opus manuum eorum : & omnia quæ obtulerunt ibi, contaminata erunt.

16. Et nunc ponite corda vestra à die hac & supra, antequam poneretur lapis super lapidem in templo Domini.

17. Cum accederetis ad acervum viginti modiorum, & fierent decem : & intraretis ad torcular, ut exprimeretis quinquaginta lagenas, & fiebant viginti.

18. * Percussi vos vento urente, & aurugine, & grandine omnia opera manuum vestrarum : & non fuit in vobis, qui reverteretur ad me, dicit Dominus.

19. Ponite corda vestra ex die ista, & in futurum, à die vigesima & quarta noni mensis : à die, quæ fundamenta iacta sunt templi Domini, ponite super cor vestrum.

20. Numquid iam semen in germine est : & adhuc vinea, & ficus, & malograna-tum, & lignum olivæ non floruit ? ex die ista benedicam.

21. Et factum est verbum Domini secundò ad Aggæum in vigesima & quarta mensis *, dicens :

22. Loquere ad Zorobabel ducem Iuda, dicens : Ego movebo cælum pariter & terram.

23. Et subvertam folium regnorum, & conteram fortitudinem regni Gentium : & subvertam quadrigam, & ascensorem eius : & descendent equi, & ascensores eorum : vir in gladio fratris sui.

24. In die illa, dicit Dominus exercituum, assumam te * Zorobabel fili Salathiel serve meus, dicit Dominus : & ponam te quasi signaculum, quia te elegi, dicit Dominus exercituum.

* Noni ut sup. v. 11. Eodem anno M. 3485.

* Eccli. 49. 13.

PRO-


PROPHETIA ZACHARIÆ.

ZACHARIAS Aggæo aequalis, unà cum ipso urget templi Ierosolymitani instauracionem, simulque monet Iudæos ne idola & vitia maiorum imitentur, quorum viderunt acerbam punitionem per excidium & captivitatem. Typis maxime & anigmatibus abundat, quibus propheta varia Iudæis eventura usque ad Christum; maxime quatuor Monarchiarum successiones, quæ desinent in regnum Christi, cuius vitam & passionem penè instar Evangelistæ recenset.

CAPUT PRIMUM.

Quo tempore Zacharias prophetaverit : qui hortatur populum ad respicientiam, ne imitentur patres suos, qui prophetas contemnentis puniti sunt : duplici figurâ ostendit Dominus se puniturum Gentes quæ populum suum afflixerant ; hunc autem in Ierusalem revocandum, in qua adificabitur ipsi Domino templum.

Anno M. 3485. Ant. Chr. 519.



IN mense octavo in anno secundo Darij regis, factum est verbum Domini ad Zachariam, filium Barachæ filij Addo, prophetam, dicens :

2. Iratus est Dominus super patres vestros iracundiâ.

3. Et dices ad eos : Hæc dicit Dominus exercituum : * Convertimini ad me, ait Dominus exercituum : & convertar ad vos, dicit Dominus exercituum.

* Isai. 21. 12. & 31. 6. & 45. 22. Jer. 3. 12. Ezech. 18. 30. & 33. 11. Osæ 14. 2. Ioël. 2. 12. Malaeh. 3. 7.

4. Ne sitis sicut patres vestri, ad quos clamabant prophetae priores, dicentes : Hæc dicit Dominus exercituum : Convertimini de viis vestris malis, & de cogitationibus vestris pessimis : & non audierunt, neque attenderunt ad me, dicit Dominus.

5. Patres vestri ubi sunt ? & prophetae numquid in sempiternum vivent ?

6. Verùm tamen verba mea, & legitima mea, quæ mandavi servis meis prophetis, numquid non comprehenderunt patres vestros, & conversi sunt, & dixerunt : Sicut cogitavit Dominus exercituum facere nobis secundum vias nostras, & secundum adinventiones nostras fecit nobis.

7. In die vigesima & quarta undecimi mensis Sabbath, in anno secundo Darij, factum est verbum Domini ad Zachariam filium Barachæ, filij Addo, prophetam, dicens :

8. Vidi per noctem, & ecce vir ascendens super equum rufum, & ipse stabat inter myrteta, quæ erant in profundo : & post eum equi rufi, varii, & albi.

9. Et dixi : Quid sunt isti, Domine mi ?

& dixit ad me Angelus, qui loquebatur in me : Ego ostendam tibi quid sint hæc.

10. Et respondit vir, qui stabat inter myrteta, & dixit : Isti sunt, quos misit Dominus ut perambulent terram.

11. Et responderunt Angelo Domini, qui stabat inter myrteta, & dixerunt : Perambulavimus terram, & ecce omnis terra habitatur, & quiescit.

12. Et respondit Angelus Domini, & dixit : Domine exercituum usquequo tu non misereberis Ierusalem, & urbium Iuda, quibus iratus es ? Iste iam septuagesimus annus est †.

13. Et respondit Dominus angelo, qui loquebatur in me verba bona, verba consolatoria.

14. Et dixit ad me angelus, qui loquebatur in me : Clama, dicens : Hæc dicit Dominus exercituum : * Zelatus sum Ierusalem, & Sion zelo magno.

15. Et irâ magnâ ego irascor super gentes opulentas : quia ego iratus sum parum, ipsi verò adiuverunt in malum.

16. Propterea hæc dicit Dominus : Revertar ad Ierusalem in misericordiis : & domus mea adificabitur in ea, ait Dominus exercituum : & perpendiculum extendetur super Ierusalem.

17. Adhuc, clama dicens : Hæc dicit Dominus exercituum : Adhuc affluent civitates meæ bonis : & consolabitur adhuc Dominus Sion, & eliget adhuc Ierusalem.

18. Et levavi oculos meos, & vidi : & ecce quatuor cornua.

19. Et dixi ad angelum, qui loquebatur in me : Quid sunt hæc ? & dixit ad me : Hæc sunt cornua, quæ ventilaverunt Iudam, & Israël, & Ierusalem.

20. Et ostendit mihi Dominus quatuor fabros,

21. Et dixi : Quid isti veniunt facere ? Qui ait, dicens : Hæc sunt cornua, quæ ventilaverunt Iudam per singulos viros, & nemo eorum levavit caput suum : & venerunt isti deterrere ea, ut dejiciant cornua gentium, quæ levaverunt cornu super terram Iuda ut dispergerent eam.

Gggg 2 CA-

† A cæp-tâ extre-mâ Hie-rosolymit. obsidione per Nabu-chodono-sor, anno M. 3415. V. Jerem. 34. 1. cum Ezech. 5. 12. * Infr. 8. 2.